



WESTERN JOINT MOCK EXAMINATIONS

Uganda Advanced Certificate of Education

LUGANDA

(AMATEEKA N'ENKOZESA Y'OLULIMI, OBUWANGWA N'ABAWANDIISI)

Olupapula Olusooka

Essaawa bbiri n'ekitundu (2½)

EBIGOBERERWA:

- *Olupapula luno lugabanyiziddwamu ebitundu bisatu: **A, B** ne **C**.*
- *Ekitundu **A** kyabuwaze*
- *Mu kitundu **B** kola nnamba **2, 3**, ne **4**. Oweereddwa ebyokulondako by'oyagala okuddamu.*
- *Mu kitundu **C** ggyamu ekibuuzo **kimu** (1) ng'okironda ku bikuweereddwa.*

EKITUNDUA

Ddamu ebibuuzo **byonna** ebikuweereddwa mu kitundu kino.

1. a) Koppolola ebikolwa ebiteemala ebyeyolekedde mu sentensi zino wammanga **(Obubonero 05)**

- (i) Tugenda kusoma Luganda olweggulo
- (ii) Omwana muleke asooke anaabe nga tannagenda ku ssomero
- (iii) Gira olya naye w’anaakusangira
- (iv) Bw’anankubira essimu, nja kugendayo

(b) Amannya gano gawe embu z’amannya mwe gagwa **(Obubonero 05)**

- (i) Olwazi
- (ii) Mukene
- (iii) Ekikazi
- (iv) Butunda
- (v) Munda

(c) Laga nnakasigirwa enkozi, kaabulindiridde n’akabonero k’ekiseera ebyeyolekera mu sentensi ezikuweereddwa mu lukangaga luno wammanga **(Obubonero 06)**

	Emboozi	Nnakasigirwa enkozi	Kaabulindiridde	Akabonero k’ekiseera
(i)	Olimubagambira			
(ii)	Akitukubye			
(iii)	Mmumulabide			
(iv)	Banaabibaleetera			

(d) Nnyonnyola amateeka ga ggulama agamenyeddw mu mboozi zino **(Obubonero 04)**

- (i) Tuba twakasimbula eryato lyaffe ne libbila.
- (ii) Ababbi baatuluumbye ne batukuba mizibu.
- (iii) Jjemba yakuba Kasolo ekyupa n’amwasa omutwe.
- (iv) n̄enda okutuuka ku mukolo ng’enddongo yatandise dda okuvuga.

(e) Weeyambise enzirugaze oggyemu obugambo obulaga ebifo obuli mu sentensi zino **(Obubonero 05)**

- (i) Omwana mutuuze mu ntebe kitaawe mw’aba amusanga.
- (ii) Atutte mwana ku ssomero atandike okusoma.
- (iii) Ggya mu nsawo emitwalo esatu gya ntambula.
- (iv) Tugenze e Kampala nga twevuga.
- (v) Ekikopo kiteeke ku mmeeza tekyatikira wansi

(f) Leetayo amannya ataano nga gazimbiddwa okuva mu kikulwa OKUSOMA **(Obubonero 05)**

EKITUNDU B

*Ddamu ebibuuzo **bisatu** mu kitundu kino.
Kola nnamba **2, 3** ne **4** ng'ogoberera ebikuweereddwa
Kola **2(a)** oba **2(b)***

2. (a)(i) Menya ebika by'abantu ba mirunda ena abayitibwa abalongo mu Buganda
(Obubonero 04)
- (ii) Nnyonnyola emizizo n'obulombolombo Omuganda bwe yassanga ku kuzaala
abalongo **(Obubonero 16)**
- Oba**
- (b) Nnyonnyola engeri obuwangwa bw'Abaganda gye bukyayisaamu abantu
okwetuga **(Obubonero 20)**

Kola 3(a) ne 3(b)

3. (a) Nyonnyola amakulu agoomunda ag'ebisoko ebikuweereddwa wammanga:
(Obubonero 10)
- (i) Okumyusa aga jjo
(ii) Okukuba ez'oku magi
(iii) Okubeera omuntu obukiika
(iv) Okusenya ku kintu
(v) Okuba mpale enywera mugwa
- (b) Ebisoko ebikuweereddwa bikoze mu sentensi eziggyayo obulungi amakulu
gaabyo **(Obubonero 06)**
- (i) Okukoma ku munaabo
(ii) Okukuba ng'emisu
(iii) Okugalinnya gye gava

Kola 4(a) ne 4(b)

4. (a) Maliriza engero ezikuweereddwa nga bwe zoogerwa **(Obubonero 06)**
- (i) _____ kakira omukwano
(ii) Kiridde bwami _____
(iii) Ekiri mu bbanja _____
- (b) Nnyonnyola amakulu g'engeri zino agoomunda **(Obubonero 08)**
- (i) Embiro entono zikira okwekweka
(ii) Omunaku kaama yeerandiza yekka
(iii) Obulungi bw'ensozi obulaba ziri wala
(iv) Kasugga kagoba kisambu

EKITUNDU C

*Ddamu ekibuuzo kimu mu kitundu kino ng'okiggya mu nnamba **5, 6** oba **7**
Kola **5(a)** oba **5(b)***

5. (a) Nnyonnyola n'ebyokulabirako engeri olulimi Oluganda gye luganyulwa mu
buweereza bwa Kaswa **(Obubonero 20)**

Oba

(b) Kaswa teyawandiikira bassi ba nswa bokka. Weesigame ku kitabo *Omuganda n'Enswa* okakase endowooza eyo n'ebyokulabirako **(Obubonero 20)**

Kola **6(a)** oba **6(b)**

6. (a) Weesigame ku bulamu bwa Busuulwa onnyonnyole engeri eggwanga gye liganyulwa mu bannabitone **(Obubonero 20)**

Oba

(b) Ekitabo *Mujaguzo* ly'ettu Busuulwa ly'asibirira oyo yenna ayagala okumanya ku bukulu bw'enqoma eri Omuganda. Ttaanya n'ebyokulabirako **(Obubonero 20)**

Kola **7(a)** oba **7(b)**

7. (a) Nnyonnyola engeri Omuganda gy'ayinza okukulaakulanyaamu olulimi lwe ng'alabira ku Matovu Joy **(Obubonero 20)**

Oba

(b) Weesigame ku kitabo *Eddaame lya Nsimbi* onnyonnyole ebintu ebikulu Nsimbi bye yalaamira ensi ye **(Obubonero 20)**

BIKOMYE WANO